



Sesida dals

20 d'october 2025

Communitgà ils

21 d'october 2025

Protocol nr.

738/2025

Dumonda da la fracziun dal Center

concernent las consequenzas da las reducziuns dal UFSPÖ tar Giuventetgna+Sport (G+S) e garanzia da la promoziun dal sport en il Grischun (emprima sutsegnadra Bergamin)

Resposta da la Regenza

Tar la dumonda 1: L'augment da participantas e participants da Giuventetgna+Sport (G+S) è legraivel e signifitga, ch'il chantun Grischun ademplescha las finamiras definidas en il Concept chantunal per promover il sport (augmentar la cumpart da la populaziun che sa mova activamain) e che las uniuns e federaziuns da sport dal Grischun mettan a disposiziun ina purschida attractiva per ils uffants e giuvenils grischuns. Sch'il dumber da participantas e participants s'augmenta, ston natiralmain er vegnir scoladas dapli manadras e manaders da G+S ch'èn obligads d'absolver furmaziuns supplementaras. En cumparegliaziun cun il stadi d'avant 5 onns eran engaschadas la fin dal 2024 passa 18 % dapli manadras e manaders per las purschidas da G+S dad organisaziuns grischunas. Il dumber creschent da participantas e participants è per part er d'attribuir a las disciplinas da sport che vegnan purschidas da nov da G+S, sco p.ex. biatlon, american football e set ulteriuras disciplinas. Er per questas disciplinas han ins stuì crear novs moduls da curs. Quai ha er anc augmentà la lavur ed ils custs. Cun en il fratemp 2100 purschidas da G+S en il chantun, è en il process da permissiun e da controlla tendenzialmain creschents e pretensius.

Tar la dumonda 2: Gea. Ultra da l'augment da participantas e participants ed ultra da las disciplinas da sport che vegnan purschidas da nov, è – tras ina revisiun da l'ordinaziun federala – vegnida augmentada per motivs da segirezza er la durada minimala da la scolaziun en il sport da muntogna. Ensemen cun ils custs d'alloschi e d'alimentaziun ch'èn creschids fermamain durant ils ultims onns, chaschuna quai – quintà cun circa 4300 dis per persuna per onn – custs pli gronds en la scolaziun e furmaziun supplementara da manadras e manaders. Durant ils ultims 3 onns è en il

custs d'alimentaziun creschids per en media 6,7 %, entant ch'ils pretschs per pernottaziuns en in hotel èn – durant la medema perioda – s'augmentads per tut en tut bundant 11 % (tenor Index naziunal dals pretschs da consum).

Per evitar ina reducziun da la purschida da curs a medem temp che la dumonda crescha, propona la Regenza al Cussegl grond en la Missiva tar il preventiv 2026 d'auzar per 100 000 francs il conto 4210.313812 «G+S Curs da scolaziun e da furmaziun supplementara per manaders/-dras» sco part dal preventiv global da l'Uffizi per la scola populara ed il sport. Sco ulteriura mesira vegnan – tut tenor la durada da la scolaziun resp. da la furmaziun supplementara – er auzadas per 16–30 % las contribuziuns da participaziun per las manadras ed ils manaders. Ils custs da personal na sa midan betg.

La Regenza renviescha però al fatg, ch'ils custs supplementars en il sector da G+S vegnian pli probabel cumpensads parzialmain tras respargns en auters secturs dal UFSP. Quai pudess er avair consequenzas per projects e giavischs en il chantun.



En num da la Regenza

Il president:

Marcus Caduff

Il cancellier:

Daniel Spadin